



Branch Executive an thukhawm

Chanmari West, 21st July, 2013 : Ni 16.7.2013 (Thawhle) zan khan Adviser, Pu A Biaklawma inah Branch Executive Meeting neih a ni a, thu pawimawh tak tak sawi ho a ni. He meeting Pu C Lalzarliana kaihhruaiah hian kan hmalawka Branch YMA Zaipawl intihsiakna lo awm tur atana inbuatsaihna kalpui dan leh hmalak zel dan turte sawi ho a ni a, zaipawlte hi camp neihpui nise tih a ni a, Asst Conductor atan Tv David Vanlalpeka chu ruat a ni bawk.

Branch Executive Meeting chuan veng chhunga ruihhlo zuar nia rinhleleh leh Pem Lehkha mumal nei lote uluk taka enzui nise a ti.

Section hrang hrangte'n Silver Jubilee Fund (member pual bik) taima taka an khawn zo chu lawmawm a ti hle. Silver Jubilee lawmna atana inhlawhna Power & Electricity Dept atanga ₹ 40,000 lai mai hmuh a ni chu meeting chuan lawmawm a ti hle a ni.

Chanmari West Sporting Club-

te MPL khel tura an tling chu Branch YMA chuan ₹ 10000 lawmpuina pek ni se a ti bawk.

Meeting hian 68th YMA General Conference neih tur chu uluk takin a thlir lawk a, conference-ah hian Zaipawl tirh nise, a remchan dan a zirin special item neih ni se meeting chuan a ti.

YMA AW Editorial Board ennawn a ni a, tuna enkawl tute hian tlawmngaih chhuahin kumin chhung enkawl se tih a ni.

Branch News

Ni 16.7.2013 Thawhle zan khan Branch Executive meeting tum 10-na a thu.

Ni 14.7.2013 Pathianni zan khan Dawrpui YMA ten Pi Lalpawmawii w/o Malsawmkima Pachuau (L) in T-Sect. atangin Beer case 6 an rawn mana, a neitu Lalhruaitluangi kum 28 Champhai Venglai atanga rawn zin Ramhlun South-a thleng chu man a ni. Inneitu chu a inah tun hnuah dah tir tawh lo tur leh hetiang lamah inhnawm hnawih tawh lo turin Branch YMA chuan a hriattir.

Branch YMA chuan Chanmari West Football Club (Sporting Club) hnenah Mizoram Premier League khel tura an tlin lawmpui nan Rs.10,000 a hlana, hlawhtling taka khel turin duhsakna a hlan bawk.

Ni 18 & 19 Ningani leh Zirtawpni khan Central YMA Hall-ah Pachhunga University College Deptt. of Mizo leh Central YMA tangkawp buatsaih 'National Seminar on Mizo Language: Contemporary Challenges & Prospect' neihah Branch aiawhin Executive member Tv R.Lalringgheta YMA Aw Editor a tel.

Branch YMA in Life member ni duh Central YMA-a a dipui heng mite hi Central YMA chuan Life member atan a rawm pawm. i) Juliet Lalengkimi w/o T. R o h m i n g t h a n g a ii) K.Lalramzauva s/o Luaia iii) Lalthangkima Sailo s/o Sainghinglova (L) iv) Remsangpuia s/o Lalbiakthanga (L) v) Lalfakawma s/o Lalngaihawma (L) vi) R. Ramlawma s/o R.Vanhnuna (L) vii) Lalngaihzuala s/o R.Ramlawma

Chanchinbu man luh dan

Branch Action Plan-a lo dah June thla chhungain Chanchinbu man khawn zawh nise tih anga Section hranga hrangte Chanchinbu man theh luh tawh dan heti ang hi a ni.

a) YMA Chanchinbu

Section	Lak zat	Lut tawh zat	Remarks
Chawngbawla	25	₹ 2500	Lut kim
Khuangchera	72	₹ 6500	7 man la lut lo
Vanapa	43	₹ 4300	Lut kim
Taitesena	46	Nil	
Neuva	36	Nil	

b) YMA AW

Section	Lak zat	Lut tawh zat	Remarks
Chawngbawla	193	₹ 12480	₹ 2960 la lut lo
Khuangchera	223	₹ 17840	Lut kim
Vanapa	211	₹ 14720	₹ 2160 la lut lo
Taitesena	269	₹ 21520	Lut kim
Neuva	169	₹ 13520	Lut kim

Hman ral ₹ 27280

Kuta awm ₹ 52800

YMA AW chhutna man hi June thla thleng pek fel tawh a ni.



TUNKAR CHANGVAWN

Rorelnaah chuan fel lo takin in rel tur a ni lo. Mirethei in thlei tur a ni lo va, mi thiltithe in zah chuang tur a ni lo va, fel takin i thenawm ro i relsak tur a ni. Lev 19:15

Editorial Board

Editor:	RLalringheta	9862358337
Joint Editor :	Lalchhandama	9862358347
	JLalnangliana	9862399658
News Editor :	Thangkhuma	9862303135
	Lalchhuanmawia	9862580558
	KLalremtluanga	9862119608
Cir.Manager :	Jacob Lalrinsanga	9612319779
Production Manager :	RL Thanhmuna	9436152760

Branch Office Bearer

President	<i>C Lalarliana</i>	9436142049
Vice President	<i>K Darthantluanga</i>	9436196071
Secretary	<i>Zairemmawia</i>	9862385654
Asst. Secretary	<i>RL Thanhnuna</i>	9436152760
Treasurer	<i>R. Lalhmachhuana</i>	9436151817
Fin.Secretary	<i>Lalrinliana</i>	9862581814
Adviser-te :	<i>Pu F Zosanga</i>	9436142106
	<i>Pu A Biaklawma</i>	9436363169
	<i>Pu Lalrengpuia Sailo</i>	9862075614

Editorial :

Tunkar chhunga Central YMA Hall-a Mizo tawng humhalh chungchanga Seminar neih zawh takah chuan kan tawng tihausa tur leh kan ram leh hnam humhalh tur chuan tuna thalai ni mekte hi a fawng chelhtute an ni e, tiin thutlukna a siam a, hemi kawngah hian engtiang chiahin nge mawhphurhna kan neih ve tak le?

Tute mah hian tih dik kim theih chu a ni lo tawp ang, mahse kan tih dik loh tam zawk hi chu phawsawlh vang leh intihchangan kan tum vang a ni tlat. Mizo tawng hnualsuatin, hnam dang tawng kan ngaisang a, chu chuan kan nun pawh nasa takin min kuai her baw.

Mizo hla aia Korean hla sak tur hre tam zawk kan thalai zingah hian an awm nual tawh ang? Korean ngaihsanna chuan vun ngo leh mam tak neih ve chak tumnaah kan tleirawlte a hruai lut a, ei loh tur an ei a, dang var lepin kan mu hlum leh si. He chhiatna hi kan hnam kan ngaihnepep vang leh hnam dang kan ngaihsan vang a ni thei tlat.

Kan nu leh pa tam zawkin Lalruanga daw thiamna aiin Superman a thiltihtheihna kan ngaihsan tir zawk a, chu chuan naupang rilruah Mizo hnam hmuhsitna a thlen tlat.

Hawh u, kan hnam nunphung leh tawngte hi a ral mai loh nan theih tawp i chhuah tlang teh ang u.

Article**THLAN LAIH***Hmingthana, V Sect.*

Thlanlaih hi tam a har ta hle mai, Tlangval 100 (za) chuangin lai reng tura ngaih kan nih laiin tlangval 20 bawr vel lekin an laih chang a tam zawk ta. Kan hunin a zir ta lo nge, a hun in min nang ta zawk? Engati nge tunhma kan phak loh, thlanlai thin tlangval tam takte Pa an lo nih hnu thlanlaih an Pension hnu hian thangthar zingah thlanlaih rawn ching thar an tlem ta si, bakah a lai duh tan hna tul tam tak a lo awm ve tawh bawk nen..

Thalai 1,000 (sang) rual hian mi 20 bawr vel lek thlan laih kan ring fo dawn a nih chuan infuih thar emaw tih dan thlakthleng emaw tal chu a ngai a ni. Kan veng thlanlaih taima tak takte an lo upa ve tan ta. T Section lam Pu Rinsangate dawrah an tul si, Pu Mahmingate Taxi khalh a ngai tawh, K lamah Pu Rimtuaia te hun a liam ve ta tial tial a, Valupa Pu Thanseiate'n min ho reng peih dawn lo, CH lamah Tv U Liansanga tha a thum tep tawh, a thawhhlawk thin Pu Laitawia(L) fate ho pawh chungkhat pa an lo ni tawh hlawm si, V Section lamah Pu Mahera zingkar tluna nau tap thlem char char a ngai tawh, Bawla lah a bawl reng bik si lo, Tv Mahriata te unau lah an senior ve tan si, N Section lamah U Nunsanga te an pahmei ve si, Pu Chulloa hi engchen nge a Undertaker peih dawn. N Sect Tlangval fel Mahruaia te, V Sect Leader Pu VL Thakima te pawn tlaivara thlan lai tura liam zui hi an peih reng bik dawn lo tih hi a chiang reng mai a, K Sect Leader Pu Puia hian thlanlai a vil reng peih dawn em? T Leader Pu Muantea hi a tha a za lo ve tulh tulh dawn. Hawi vel ila thangthar zingah hian in nghahna tlak chu tlemte chauh an awm (kan U rual te ho hming tlemte ka han thailang a, an ni aia taima hlei hlei hi kan u, kan rualpui leh nau ve lehchhawng tamtak thlanlai taima tak tak an awm a ni tih hria ila). Kum 30 ral kai awrh a thlanlaih inti pension ta daih ho pawh hi an demawm reng reng lo, an hunlaiin rawthar chhuah hlim atanga rei tak chhung regular taka thlanlai an tam, amaherawhchu a chhawktu tur rual thalai chhuak thar kan tam ang huin (Kum 18 atanga 30 inkar ho) hian kan thlawp zo ta lo deuh niin a lang.

Tunlaiin thalai rual sawrkar leh private a hnathawkin kan awm ve diah diah ta a, hei hian engemawchenah thlanlai hi chu min ti tlem deuh ni chuan a lang. Kei ngei pawh holiday-ah lo chuan laih tumna ka nei tlem ta khawp mai. Thlan laih duh si, hman lo an

tam rualin, hman lutuk si, laih tum miah lo hlui tam daih kan awm bawk si. Nu leh Pa ten 'thlan lai ve rawh' tia tirh miah loh thangthar kan tam ta lutuk a ni, thalai fel deuh thlan lai peih tur lah a tlaivar taima an ni bawk si. Tlaivar ngai miah lo lah a lai thatchhe hlei hlei. Tunhma chuan (an ti) chhiatni a thlanlaih/ khawharin kal ngai miah lo thalai awmna chungkuate kha chu an hriat theih viau a, zahthlakah te pawh kan ngai hlawm a, tunah chuan a engmah ti ngai mang lo chungkua deuh vek kan ni tawh zawk a, zah nachang pawh kan hre tawh chuang lo, zahthlak a nihna pawh a awm tawh lo emaw ni zawk. Hmanlai a zahthlak kha a zahthlak tawh si lo, a thawh chhuak thin mi tlemte an inhre tawn ve chauh ta zawk lel a ni. A chenbeh zawk leh kilkhawr lama chengte'n thlanlaih, tlaivar, khawhar in kal an la ngai pawimawh viau laiin a mualkil, mihlun leh mi neinung/ awmthei zawkte'n chhiatni activity an hlamchhiah zawk deuh tlat nia a lang phei hi chu kalphung kan thlak a ngaihzia tilang tu a ni. Veng thenkhat tih thik in hlawhfa emaw hnatlang in emaw thalaite hian thlanlaih lawk rawt ve se thil tih awm lo a ni miah lo ang.

Tin, thlanlaih chawp aiin laih lawk hi kawng tamtakah a tha zawkin a lang ta. Hlawhfa ruai kher loin, Branch hnatlang -in lai ta zawk mai ila, duh zat zat kan lai lawk mai dawn a ni. Tunah hi chuan a mitthiin lamah buai ngai baw, thlanah buai ngai baw, a hla si, tlaivar hnuah thlanlai thingpui pek ngai baw, Branch / Section hruaitu leh member a hah hote hi chu an hah em a, chhun lama invui hunah meuh hi chuan kan mualpho lek lek thin ta mai. Pa Vena te thahnemngaiin min han vin bawrh bawrh mai thinte hi huat enah pawh kan en duh lo. Kan duh emaw duh lo emaw thlanlaih hi History a chang tep tawh thianpa Mawia vei em em pakhat tunlai thalai tam tak hian an hunlaiin thlan an lai thin tih hre mah se 'Ka lai ve

Phek 3-naah zawm a ni

Chawngbawla Section

☐ Ni 13.7.2013 (Inrinni) nileng khan Chawngbawla Run siamin an hnatlang a, member thawkchhuak zawng zawngte chungah lawmthu an sawi.

☐ Chawngbawla Run siamna atan Pi Rintluangi (RTS) te chhungin cement bag 6 lai an pe a, Pu TC. Lalmangaiha, Tv. H. Lalrinmawia leh Pu JK. Zosangliana ten tile eng emaw zat an pe bawka, rawra leh bungraw phurh nana motor hman tirtu Pu C. Lalarliana leh thingpui tui tak lum saktu Pu Lalthuamluaia chungah lawmthu an sawi.

☐ Kawipui zunin siam chhunzawm zel a ni a, an garage, tui leh hmanrua tam tak hman tirtu Pu Vanlalnema te chhungkaw chungah an lawm hle.

☐ Hun rei tak an hruaitu lo ni tawh Catherine K. Lalthangmawii D/o K. Laltanpuia chuan Ni 19.7.2013 khan pasal duhawm tak Ramrikawnah a nei a, an lawmpui hle.

☐ Section wise hnam lam intihsiakna atan inbuatsaih zel a ni, member a tam thei ang ber lam zirnaah kal thin turin an inngen a. Ni 16.7.2013 zana hnam lam zirte tana sawhchiar tui tak siam saktu Pu JK. Zosangliana te chhungkaw chungah lawmthu an sawi.

☐ YMA AW man, chhياتni fund leh name plate.house no. man la pe lo fel lo ten khawngaihin hruaitute hnenah pe theuh turin an inngen. Bial 9-na bialtute nasa lehzuala tan la turin an ngen bawka.

Khuangchera Section

☐ Ngawrh taka hnam lam zir chhoh mek zel a ni a, hnam lam zir thin zawng zawngte chungah lawmthu an sawi. Lam zir eitum saktu Pu HV. Lalthavela, Pu Lalchhanhima, Tv. Lalbiakdika leh Tv. C. Vanlalhriatpuia te chungah lawmthu an sawi tak zet.

☐ Ni 17.7.2013 Nilai zing khan ui leh ar chhuak vaia hnatlan a ni. Hun remchang apiangah ran chhuak hi vai chhunzawm zel tum a ni a, memberten lo inring turin an inchah.

☐ Hun rei tak secretary nihna lo chelh tawh thin Pu Lalsangzuala Hahnarin NIOS hnuaiha matric a pass chu an lawmpui hle.

☐ House no plate siam zawh a niin zawrh chhuah thuai tum a ni a, chhungtinten ngai pawimawh a lo khulh sak theuh turin an inngen.

☐ Heng mite hian BA tha takin an pass a, an lawmpui hle.

1. Lalnunsiami d/o Tlanliana (L)
2. RLalfakzuala d/o R. Lalngaihawma
3. Lalnunziri d/o Thanseia
4. Deborah Vanlalruati d/o LT.Manga.

Neuva Section

☐ Hun remchangah committee koh tum a ni.

☐ YMA Zawlbukah lam zir thin a ni a, hruaitu leh member a tam thei ang ber kal thin turin an inngen.

☐ Hruaitute thahnemngaihna avanga YMA AW man leh chhياتni fund khawn zawh a ni tawh chu an lawm hle.

☐ Member-te zarah leaders' directory chu zawrh chhuah a ni tawh a, an lawm em em a ni.

☐ Section huam chhunga ualau taka Zu in emaw Damdawi (ruih chi) khawih leh zuar an awm thin a, heng mite hian zuar tawh lo turin an hriattir.

Taitesena Section

☐ Hnam lam zir chhoh mek a ni a, hnam lam zir thin zawng zawngte chungah lawmthu an sawi rual in la zir ngailo te pawh in thlahrung lo a zir thin turin an inngen.

☐ Section huam chhungah thil bo/rukruk a awm leh ta zeuh zeuh mai a, chhungtinte fimkhur tur leh mahni in leh lo veng tha turin an inchah..

☐ Zan riaka kawngsira lirthei dah thinte chu dah tawh lo turin an ngen.

Vanapa Section

☐ Ni 13.7.2013-a footpath siam hantlanga pawisa petute - Dr Zoremawia (₹ 300) leh Pu Rohmingthanga (₹ 100) chungah lawmthu an sawi. Footpath siam mekah hian a vawnban (railing) an siam belh.

☐ An member Dr Zoremawia chu sorkar-ah a lut a, an lawmpui hle.

☐ An member damlo, Pi Lalremthangi chu a dam leh thuai an duhsak hle.

☐ Ni 23.7.2013 (Thawhle) zana Pu C Lalnunmawia in chungah lam zir leh tur a ni e.


☐ Ni 19.7.2013 (Zirtawp) a Electoral Roll Revision Hearing neihah section aiawhin Pu PC Lalawmawia leh Tv Zohmingliana te an tel.

☐ Tv C Lalropuia s/o C Chawiliana chu chu BHMS zir turin a tling a, an lawmpui hle.

Pu Zorammuana te chhung member 2, Pu R.Laldawnghlua in V-Sect. atangin Lengpuiah.

✚ Kan Then Tak

H m i n g - Laltlanlawma, Pa hming- K Lianvela, Nu h m i n g - Khawvelthangi (L). Ni 25.7.1960-ah a piang a.



Pianpui mipa 3 leh hmeichhia 5 a nei. Kum 1981-ah nupui a nei a, fapa pakhat Zodiopuia a nei. Thian kawm thiam tak a ni a, mite ngainat a hlawh hle thin. June thla khan pumpui cancer a nei tih hmuh chhuah a ni. A natna hi a lo thuk tawh em avangin a chaurang hle. Ni 18.7.2013 tlai dar 5:30 khan chatuan ram a lo pan ta a ni.

article chhunzawmma..

asin' an ti thei lo tur hi a ni. A la lai ngailo te khan lai ve mah teh u a nuam asin, thian tha hmelhriat tha siam nan hlei hlei hian a tha asin.

Amaherawhchu Unaute u, kan vengah hi chuan thlanlai hi kan la kalpui rih dawn niin a lang a, hei ai hian hma a sawn theih dah lawm maw tiin rawtna thar ka han chhawpchhuak teh ang; Thlanlai apiangin a lai list an pa / nu hming section nen Register-ah fel taka lak a vawn that ni se, thlanlai list hi pa/ nu hming section nen hian YMAAw ah chhuah thin nise, hei hian a tha zawngin min kalpui ang tih ka ring tlat a ni. Hmanlaiin tlawngai chawimawi nan 'Nopui' te an indawmtir thin a, tunlaiin a rem chiah si lo a (keichu a Nopui zawng hian ka duh a nia). Kan chanchinbu YMA Aw hmang hian tlangval tlawngait Nopui kan dawmtir deuh reng mai dawn a, tlangval tlawngai te lahin an nu leh pate an chawimawi nghal bawka ang a, mipuiin tu nge tlangval tlawngai leh fel kan lo hre zung zung thei dawn a ni. Thih hnuai inchawimawi ai chuan damlai ngei a inchawimawi hi a tha. A tha kan ti a nih chuan, 'ngawi teh u, kum a laklawh emai' pawh ti kual chuang loin hmang mai ila thil harsa lote a ni e.

YMA ZAIPAWL

☐ Ni 5.7.2013 (Zirtawp) a Zaipawl chaw ei khawmna atana thawhlawm thawhtute chungah lawmthu an sawi.

☐ Zaipawl senso atana ruahmanna an siam chu Branch Executive-ina pawmpui avangin an lawm hle.

☐ Zaipawl member-te tan Uniform mawi tak leh tha tak neih tuma hmalak mek a ni.

☐ Zaipawl tanpuina pe duh tan a pek theih reng a, Hla zirna atana in phalte chuan a sawm theih reng baw k e.

☐ Zaipawl hla zir nana phal taka in hmantirtu Pu K Darthantluangate chhungkaw chungah an lawm hle.

☐ Ni 23.7.2013 (Nilai) zan dar 8:30 ah Rev B Ropianga te in (New Horizon)-ah hla zir leh tur a ni a, member-te kim taka kal tur a ni e. Hla zir hman ngei tura hun lo insiamrem nise.

Ni 19.7.2013 Zirtawp tlai dar 3:00 khan Pu R.Ronuna T-Sect. te Gate thir chu Lalhruaitluanga Kum 23 s/o R.Malsawma leh Vanlalngbaka kum 18 s/o Lalrinfela Hunthar veng te chuan ruk an tuma, vanneihthlak takin abulhnaia awmtan hmu fuhin an amana, Lalhruaitluanga hi a tlanche hman a. Vanlalngbaka hi Branch hruaituten thu an zawh fiah hnuah Lalhruaitlunga te inah hruaitute zuk kalin a lo awm lova an rawn haw kawngah an hmu ta a ni. An pahnih hian zilhhau an nih hnuah haw tir an nia, Kan vengchhunga tum engemawzat ruk an lo ruk tawh thu dawn a nia, tih tawhlo tura zilhhau an ni. Chhungtinte fimkhur tura ngen kan ni.

Vaivakawn-ah heng Doctor Specialist thiam tak takte hi an thut hun kan rawn tarlan ang hian rawn theih an ni e.

1. Naupang Specialist (Paediatrician)
Tuesday, Thursdays & Friday - Morning : 7:00 - 8:30am
Saturday - Evening : 3:00 - 6:00pm
2. Orthopedic (Ruh leh tha) Specialist
Monday, Wednesday & Friday - Morning : 7:00 - 8:30am
3. Medicine Specialist
Tuesday, Thursday & Saturday - Morning : 7:00 - 8:30am

Proprietor
V. Lalruatpui
(2-2)

FOOTBALL

Mizoram Premier League khel tura an inbuatsaihna kawnga sum faia tanpuina an dawsn tharte -

☐ TT Royte Group (Pu Robert Romawi Royte) hnen atangin Rs 1,00,000 an dawng.

☐ Bialtu MLA, Pu Lal Thanzara
- ₹ 50,000
Pu F Zosanga, K sect - ₹ 20,000
Pu Lalmuanpuia, K section (Speed Two Wheeler) - ₹ 20,000
Pu Lalchhandama Ralte, CH section - ₹ 20,000
Pu M. Sawmliana, T section - ₹ 20,000

☐ Chanmari West YMA - ₹ 10,000
Pu T Rohmingthanga, V section - ₹ 3,000

☐ PTC Lungverhah ni 10 chhung training ngawrh takin an nei a, ni 17.7.2013 (Ningani) khan an lo chhuak a, naktuk ni 22.7.2013 (Thawhtan) dar 1:00pm hian Independence lawmman Football Tournament-ah hawnnaah Chanmari nen an khel dawn a, mipuite tawiawm turin an ngen.

☐ Camp-naa mamawh, bungbel phal taka hawh tirtu CVTTP, Khuangchera Section - No, Neuva Section - Silpauline chungah an lawm hle.

☐ MPL khel turin player 28 an ziaikut: Coach - B Lalneihhsanga (Armed Veng)

Chanmari West atangin 5 - Peter Lalchhuankima, R Zoramthara, Lalrempuia, Eric Zomuanpuia, Akama,

Serchhip atangin 5 - Lalengliana, Lalntanhangha, MS Dawngliana, G Tlanghmingthanga, Lalnunmawia Hrahsel,

Govt. Aizawl North College-ah a hnuai mite hi July, 2013 chhungin admission a tih theih e.

1. M.A. in Sociology, Pol. Science, Public Administration, History
2. BDP (B.A)
3. BPP
4. Certificate Course in Disaster Management

Sd/-
Co-ordinator
IGNOU STUDY CENTRE
Govt. Aizawl North College
Ph. No. 9436198170

College Veng atangin 2 - Ramluahsanga, Lalruatpuia, **Manipur atangin 2** - Lalduhawma, Lalhmingmawia, **Pukpui atangin 2** - T Zonunsanga, Lalremsanga, **Kolasib atangin 2** - Isaka, Puitea **Hnahlan atangin 2** - Zoremsiama, Lalramsiamia, Vanlalbiaa Chhangte (Hriangtlang), Elkan Rosangzela (Tanhril), Hmangaihzuala (Darlawng), Lalbiakmawia (Lengpui), C Laltanpuia (Mualkhang), H Lalrochama (Kawlkulh), Lalchhuansanga Pachuau (Govt Complex), Lalnunmawia (Durtlang North)

SPORTING CLUB

☐ MPL main sponsor turin TT Royte Group (Pu Robert Romawia) nen inrem fel a ni, hemi atana hma la tu Pu Benjamin Vanlalpeka (CH) chungah lawmthu an sawi, co-sponsor turin Bethel Electronics, Millenium Centre te an ni baw k a an chungah Sporting Club a lawm takzet a ni.

☐ MLA Pu Lalthanzara'n ₹ 50,000, Chanmari West Branch YMA in ₹ 10,000, Pu T Rohmingthanga (V) te chhungkua in ₹ 3,000 lai an rawn pe a an chungah lawm takzet a ni.

☐ ni a siam peih a nih veleh vengchhungah zawrh tum a ni a, lo leisak theuh turin an in ngen, man tlawm taka T-Shirt print sak tu Pu Lalngaihzuala V Sect Extreme Arts chungah lawmthu an sawi.

CVTTP

☐ Hrangbana College-in an College Magazine bu 3 Library tan an rawn pe a, an chungah an lawm hle.

☐ Pu Zirsangkima (Zarkawt) chuan a lehkhabu ziah "Ramada 19" chu Library tan a pe a, an lawm hle.

☐ Hun remchangah Executive Committee koh an tum.

BADMINTON

☐ Mizoram Open-ah chhuah tumte chuan hruaitute hriattir tur a ni e.

☐ Oneday Tournament buatsaih turin hma an la mek

PROPERTY

Ni 13.7.13 (Inrinni) khan Park chei hnatlang neih a ni. Park hi uluk taka chei chhoh zel tum ni.